

I - JUNTAS GENERALES DE ÁLAVA Y ADMINISTRACIÓN FORAL DEL TERRITORIO HISTÓRICO DE ÁLAVA

Diputación Foral de Álava

KULTURA ETA KIROL SAILA

62/2024 Foru Agindua, martxoaren 13koa. Kirol egokitua garatzeko eta kirolean inklusioa sustatzeko dirulaguntzen deialdia onartzea, 2024. urtea

Kultura eta Kirol Sailak aurreikusten du kirol egokitua eta inklusioa kirolean eta kirolaren bitartez garatzeko jarduerak diru-laguntzea, Arabako Lurralde Historikoan eta Trebiñuko enklabean dauden kirol-erakundeen edo indarrean dagoen eskola-kiroleko kanpainan izena emanda dauden irabazi-asmorik gabeko beste erakunde batzuen bitartez, 2024. urtean.

Arabako Foru Aldundiak, Foru Gobernu Kontseiluaren azaroaren 12ko 50/2019 Foru Dekretuaren bidez (2019ko azaroaren 20ko ALHAO, 134. zenbakia) eta haren ondorengo aldaketan bidez, oinarri orokor arautzaileak onartu zituen, Kultura eta Kirol Sailaren eskumenen esparruan lehia-araubidean ematen diren dirulaguntzei aplikatzeko.

Kirol ZERBITZUKO buruak egindako txostena ikusita.

Horren ondorioz, dagozkidan eskumenez baliatuz, hauxe

XEDATZEN DUT

Lehenengoa. Kirol egokitua garatzeko eta kirol-erakundeen bidez inklusioa sustatzeko dirulaguntzen deialdia onartzea, Arabako Lurralde Historikoan eta Trebiñuko enklabean dauden kirol-erakundeen edo indarrean dagoen eskola-kiroleko kanpainan izena emanda dauden irabazi-asmorik gabeko beste erakunde batzuen bitartez. Diru-laguntza horiek 2024ko ekitaldian arautuko dira, eranskinean xedatutakoaren bidez.

Bigarrena. Deialdi hori Foru Gobernu Kontseiluaren azaroaren 12ko 50/2019 Foru Dekretuan aurreikusitakoaren arabera arautuko da (2019ko azaroaren 20ko ALHAO, 134. zk.). Dekretu horren bidez, onartu ziren Kultura eta Kirol Departamentuaren eskumenen esparruan lehia-araubidean ematen diren dirulaguntzei aplikatu beharreko oinarri orokorrak.

Hirugarrena. Laguntza horiek Arabako Foru Aldundiaren 2023ko gastu-aurrekontuko 70201. G/341700/48100709 "Kirol Egokituko Elkarteei Laguntza" aurrekontu-partidaren kontura ordainduko dira. Aurrekontu hori 2024ko ekitaldirako luzatu da, eta 60.000,00 eurokoa izango da gehienez.

Laugarrena. Organo eskudunak, Kirol Zerbitzuaren proposamena ikusita, dagokion ebazpena emango du, deialdia ALHAOn argitaratu eta gehienez ere sei hilabeteko epean. Gehienezko epea igaro eta berariazko ebazpenik eman ez bada, interesdunek eskabidea ezetsi egin dela ulertu ahal izango dute.

Bostgarrena. Laguntza emateko edo ukatzeko ebazpena Administrazio Publikoen Administrazio Prozedura Erkidearen urriaren 1eko 39/2015 Legearen 41. eta hurrengo artikuluetan aurreikusitako moduan jakinaraziko zaie eskatzaileei.

Seigarrena. Deialdi hau ALHAOean argitaratzea.

Zazpigarrena. Ebazpen honek administrazio bidea agortzen du. Dena dela, urriaren 1eko 39/2015 Legeak, Administrazio Publikoen Administrazio Prozedura Erkidearenak, 123. artikuluan xedatzen duenaren arabera, aukerako berraztertze errekurtsoa jar dakioko eman zuen organoaren aurrean, hilabeteko epean, egintza hau argitaratu eta hurrengo egunetik aurrera, edota zuzenean administrazioarekiko auzien jurisdikzioan aurka egin dakioko bi hilabeteko

epean, egintza hau argitaratu eta hurrengo egunetik aurrera, administrazioarekiko auzietarako epaitegietan, uztailearen 13ko 29/1998 Legeak, Administrazioarekiko Auzien Jurisdikzioa arautzen duenak, 46.1 artikuluan ezarritakoaren arabera.

Vitoria-Gasteiz, 2024ko martxoaren 13a

Kultura eta Kirol Saileko foru diputatua
ANA M. DEL VAL SANCHO

Kirol zuzendaria
JUAN JOSÉ ROJO BAZÁN

KIROL EGOKITUA EGITEKO ETA INKLUSIOA SUSTATZEKO 2024RAKO DIRULAGUNTZA DEIALDIA

1. artikulua. Xedea, helburua eta dirulaguntza emateko prozedura

Deialdiaren xedea da norgehiagoka bidez dirulaguntzak ematea; hain zuzen ere, 2023ko urriaren 1etik 2024ko ekainaren 30era bitartean, Arabako Lurralde Historikoan eta Trebiñuko enklabean kirol egokituko eta kirolean eta kirolaren bidez inklusioa egikaritzeko jarduerak eta programak antolatzeak eta gauzatzeak eragingo dituen gastuak finantzatzen laguntzeko.

Deialdi honen helburua da kirolaren bidez ekonomia eta gizarte kohesioa eta gizarte integratutakoak lortzen laguntzea. Herritar guztiek izan beharko lukete kirola egiteko aukera, eta, horretarako, premia espezifikoak eta talde minoritarioen egoerari heldu behar zaie. Horrez gain, kontuan hartu behar da kirolak zeregin berezia izan dezakeela gazteen, desgaitasuna duten pertsonen eta ingurune behartsuenetako pertsonen kasuan. Kirolak immigranteak eta atzerritik datozen pertsonak gizartean integratzea ere erraztu dezake, bai eta kulturen arteko elkarrizketan lagundu ere.

Kirol egokitua sustatzen jotzen da gorputz eta kirol jarduerak sustatzera bideratutako programak edo jarduerak egitea, bai eta desgaitasunen bat duten edo gaixotasun edo osasun arazo mugatzaileak dituzten pertsonak gizarteratzera bideratutakoak ere.

Kirolean eta kirolaren bidez inklusioa sustatzen jotzen da gorputz eta kirol jarduerak sustatzera bideratutako programak edo jarduerak egitea, bai eta diskriminazio, desabantaila, bazterketa edo kalteberatasun egoeran dauden pertsonen taldeak haren bidez gizarteratzera bideratutakoak ere.

Laguntza horiek ulertu behar dira jarduerak egitea errazten duten ekarpen gisa, beste erakunde publiko nahiz pribatu batzuek egiten dituzten ekarpenekin batera.

2. artikulua. Aurrekontu egozpena

Dirulaguntzen gutzizko zenbatekoa ezin daiteke 60.000,00 euro baino handiagoa izan. Zenbateko hori Arabako Foru Aldundiaren 2023ko ekitaldirako gastu aurrekontu 2024ra luzatutako "Kirol egokiturako laguntza" izeneko 70201. G/341700/48100709 partidaren kontura ordainduko da.

3. artikulua. Erakunde onuradunak eta kanpoan utzitakoak

1. Hauexek izango dira erakunde onuradunak:

— Egoitza soziala Arabako Lurralde Historikoan edo Trebiñuko enklabean duten eta kasuan kasuko Kirol Erakundearen Erregistroan behar bezala izena emanda dauden Arabako kirol klub, talde eta federazioak.

— Egoitza soziala Arabako Lurralde Historikoan edo Trebiñuko enklabean duten eta indarrean dagoen eskola kiroleko programan alta emanda dauden irabazteko xederik gabeko erakundeak.

2. Hauek ez dira onuradun izango:

– Foru Gobernu Kontseiluaren azaroaren 12ko 50/2019 Foru Dekretuaren hirugarren oinarrian eta haren osteko aldaketetan jasotzen diren baztertze egoeretan dauden erakundeak. Dekretu horrek onetsi zituen Kultura eta Kirol Sailaren dirulaguntzak emateko oinarri arautzaile orokorrak.

– Arabako Foru Aldundiko Kultura eta Kirol Sailaren 2023ko ekitaldirako aurrekontuan, 2024ra luzatutakoa, partida izendun propioa duten erakundeak, dirulaguntzaren helburuarekin bat egiten badute.

4. artikulua. Laguntza jaso dezaketen jarduketak eta diruz lagundu daitezkeen gastuak

1. Diruz lagundu ahal izango dira 2023ko urriaren 1etik 2024ko ekainaren 30era bitartean egiten diren programak edo jarduerak, baldin eta haien helburu nagusia bada gorputz eta kirol jarduerak egitea edo desabantaila, diskriminazio, kalteberatasun edo bazterketa egoeran dauden pertsonen taldeak kirolean edo kirolaren bidez gizarteratzea, hala nola desgaitasuna dutenak, gaixotasun edo osasun arazo mugatzaileak dituztenak, bazterketa sozioekonomikoko egoeran daudenak, bizitegi bazterketako egoeran daudenak, etorkinak, errefuxiatuak eta gutxiengo etnikoetako kideak, presoak, LGTBI+ taldeko pertsonak, edo egoera behartsuan dauden adingabe, gazte edo adinekoak.

Era berean, jardueretan kasuan kasuko taldeetako pertsonak baino ez edo beste pertsona edo talde batzuek ere parte hartu ahalko dute.

Hauek dira, funtsean, diruz lagundu daitezkeen programak edo jarduerak:

– Solasaldiak, hitzaldiak, lehiaketak, ate irekiko jardunaldiak, informazio eta sentsibilizazio kanpainak eta antzeko beste batzuk, baldin eta xede taldeek gorputz eta kirol jarduerak egitea sustatzen badute.

– Kirol egokitua edo kirol inklusiboa sustatzen duten hezkuntza arloko eskolak. Hala ere, kasu honetan, dirulaguntza xede diren jarduerak kirol egokituko modalitateetako klub, kirol elkarte edo kirol federazioek zuzendutako ikastetxeetako jardueretarako baino ez dira izango.

– Parte hartzaile eta/edo talde berriak erakartzera bideratutako jarduerak.

– Herritar guztiek kirola modu irekian egitea sustatzen duten gorputz eta kirol jarduerak.

– Federatu gabeko lehiaketa jarduerak.

– Beste ekimen mota batzuk, zeinen helburu nagusi eta agerikoa baita gorputz eta kirol jarduerak egitea edo diskriminazio, desabantaila, bazterketa edo kalteberatasun egoeran dauden pertsonen taldeak kirolaren bidez gizarteratzea.

– Kirolariak jardueretan edo entrenamenduetan integratzea errazteko pertsonak edo bes-telako laguntza elementuak.

Era berean, desgaitasuna duten pertsonak soilik egiten duten kirol egokituari edo desgaitasuna duten eta ez duten pertsonak batera egiten duten kirol inklusiboari dagokionez, aurreko programa eta jardueraz gain, honako hauek ere dirulaguntza jaso ahal izango dute:

– Kirol egokituko edo kirol inklusiboko lehiaketa jarduera federatuak, salbu eta nazioko edo nazioarteko liga erregularrak.

– Desgaitasun motaren bat duten kirolariek kirol inklusiboko lehiaketa federatu ez-espezifiketan parte hartzen duten taldeetan parte hartzeak dakartzan aparteko gastuak.

– Kirol modalitate edo espezialitateak ezartzea edo lehendik daudenak finkatzea edo teknikoki hobetzea.

Eskola adineko kirolaren esparruan, eskola kiroleko programatik kanpoko jarduerak jaso ahal izango dute dirulaguntza, baldin eta Arabako Foru Aldundiaren baimena izan badute.

Kanpoan geratzen dira:

– Arabako Foru Aldundiko Kultura eta Kirol Sailaren berriazko deialdian parte har dezaketen berdintasunerako eta emakumeen kirola sustatzeko jarduerak.

– Arabako Foru Aldundiko Kultura eta Kirol Sailaren beste deialdi batzuetan diruz lagundu daitezkeen jarduerak.

2. 2023ko urriaren 1a eta 2024ko ekainaren 30a bitartean eginiko gastua diruz lagundu ahal izango da, baldin eta inolako zalantzarik gabe diruz lagundutako jarduera edo proiektuaren izaerarekin bat etorri eta behar-beharrezkoa bada.

3. Diruz lagundu daitezkeen gastutzat joko dira, puntuak kalkulatzeko soilik, diruz lagundutako jarduerari dagozkienak, honako kontzeptu eta diruz lagundu daitezkeen gehieneko ehuneko hauei dagozkienez:

a) Arbitraje taldeko langileak, haien joan-etorriak barne.

b) Entrenatzaileen, kirol monitoreen, laguntza emateko langileen, laguntzaileen eta jarduera egiteko beharrezkoak diren gainerako langileen gastuak. Erakunde eskatzailearekin lan kontratua duten langile gastuak bakarrik zenbatuko dira.

Zerbitzua kanpora ateraz gero, fakturak jarduera horretan espezializatutako enpresenak eta/edo profesionalenak izango dira (erakunde eskatzaileak berriaz kontratatutako pertsonak sartzeko dira), eta, ondorioz, kanpoan geratuko dira antzeko ezaugarriak dituzten federazio, klub, kirol elkarte eta irabazteko xederik gabeko beste erakunde batzuetatik datozenak.

c) Kanona, trafiko tasak eta aplikagarri diren gainerako tasak, abalak ez.

d) Laguntza medikoaren, azterketa medikoen, ambulantiaren, salbamenduaren, albaitaritza laguntzaren, ferratzaileen, irrati loturen, dopinaren aurkako kontrolaren eta abarren gastuak, zeinak guztiak baitira jarduerarako espezifikak.

Zerbitzua kanpora ateraz gero, fakturak jarduera horretan espezializatutako enpresa eta/edo profesionalenak izan behar dute, eta, beraz, kanpoan geratuko dira federazio, klub, kirol elkarte eta antzeko ezaugarriak dituzten irabazteko xederik gabeko beste erakunde batzuetatik datozenak.

e) Jardueran parte hartzen duten langileen joan-etorriak garraio kolektiboan (jokalariak, entrenatzaileak eta ordezkariak). Kanpoan geratzen dira kirol egokitua egiten ez duten kirolarien, zuzendarien, senideen eta, oro har, ikusleen joan-etorriak.

f) Federazio lizentzien tasak, kanona eta/edo federazio inskripzioaren tasak, bai eta kanona eta/edo lehiaketa federatuetan izena emateko tasak ere.

g) Jarduerarako behar den eta hari egotzi ahal zaion material suntsikorra eta erregaia alokatu edo erostea. Apartatu honetan sartu ahal izango dira kirol egokituko eta kirol inklusiboko lehiaketa federatu espezifikoetan parte hartzen duten kirolarien lehiaketa ekipamenduak.

h) Dirulaguntzaren xede diren jarduerak garatzeko berriazko kirol material, ekipo eta instalazio ez-suntsikorrek alokatzea edo erostea.

i) Proban parte hartzen duten pertsonentzako ostatu gastuak, salbu eta aisialdi izaerako jarduerak.

j) Jarduerarako berriazko aseguruak.

k) Materiala eramatea eta muntatzea.

l) Megafonia alokatzea eta lokuzioa.

m) Kartelak (diseinua, inprimaketa, banaketa, fotolitoak eta gainerako inprimaketa prozedurak) eta publizitatea komunikabideetan.

n) Antolaketa eta zuzendaritza teknikoko gastuak.

o) Zeharkako gastuak.

4. Zeharkako gastutzat joko da diruz lagundu daitezkeen gastuen aurrekontuaren ehuneko 15era arte, eta kostu horiek jarduera programa benetan egiten den aldiari badagozkio. Hori guztia Dirulaguntzei buruzko azaroaren 17ko 38/2003 Lege Orokorraren Erregelamendua onesten duen uztailaren 21eko 887/2006 Errege Dekretuaren 83.3 artikuluan araututakoaren arabera.

Zeharkako gastutzat jotzen dira programaren jarduera gauzatzearekin zuzenean lotuta ez daudenak, baina hura kudeatzeko eta administratzeko beharrezkotzat jotzen direnak (adibidez, kontsumo elektrikoa, telefonoa, antolakuntzako eta zuzendaritza teknikoko langileak, egiturako beste langile batzuk, etab.). Justifikazioan ez da beharrezkoa izango zeharkako gastuen fakturak eta ordainagiriak aurkeztea, baina zehatz-mehatz adierazi behar da gastu bakoitzari dagokion zenbatekoa justifikazio kontuan (II. eranskina).

Erakundeko bertako langileei edo kirol instalazio batera bideratutako gastuei zuzeneko kostu gisa eman dakieke dirulaguntza, baldin eta gastuaren eta proiektuaren helburuen artean lotura argia badago, eta programa gauzatzeko soilik erabiltzen bada. Bestela, zeharkako kostu gisa baino ez dira diruz lagunduko.

5. Desgaitasunik ez duten eta desgaitasuna duten kirolariak talde berean parte hartu eta kirol inklusiboan espezifikoa ez diren lehiaketa jarduera federatuak egiten badituzte, desgaitasun motaren bat duten kirolarien parte hartzeak erakundeari eragiten dizkion ezohiko gastuak soilik joko dira diruz laguntzeko modukotzat. Ez dira zenbatuko erakundeak lehiaketetan parte hartzeko izan ditzakeen gastu arruntak, desgaitasunik gabeko kirolariak parte hartzen badute ere.

6. Honako gastu hauek ez dira diruz laguntzeko moduko gastutzat joko, puntuazio baremoaren arabera laguntzaren kalkulua egiteko; aldiz, konputagarriak izango dira jardueraren guztirako gastuak zenbatzeko:

a) Entrenamenduko eta/edo lehiaketako ekipamenduak, hala nola elastikoak, kulotak, kirol jertseak, txandalak, bainujantziak, kimonoak eta antzeko ezaugarriak dituzten gainerako materialak, salbu eta artikulua honetako 3.g apartatuan ezarritakoak.

b) Erabilera pertsonaleko materiala, genital babesak, hortz babesak, betaurrekoak, puntak, kaskoak eta antzeko ezaugarriak dituzten gainerako elementuak.

c) Parte hartzaileentzako opariak (elastikoak, kirol jertseak, dominak, oroigarriak eta antzekoen gastuak, eta halakoak inprimatu edo grabatzearen gastuak).

d) Ordezkaritza, protokolo eta antzeko beste ekintza batzuen gastuak.

e) Kirolariak kontratatzea (ordainsariak, dietak eta antzeko gastuak).

f) Instalazioak mantentzearen dietak edo ordainsariak.

g) Ez dira kontuan hartuko kirolarien, entrenatzaileen eta ordezkarien (jardueran sartzen ez direnak), zuzendarien, senideen eta ikusleen joan-etorriak.

h) Jarduera egiteko beharrezkoak eta egozgarriak diren instalazioak prestatzeko edo egokitzeko gastuak.

i) Garaikurrak.

j) Parte hartzaileentzako sariak eskudirutan, parte hartzaileentzako sariak "gauzaz" eta antzeko beste batzuk.

k) Ikuztegi gastuak.

l) Bulegoko materiala, fotokopiak, material informatikoa, posta, telefonoa, etab.

m) Kultura edo animazio jarduerak.

n) Instalazioak eta/edo materiala zaintzeko eta kontrolatzeko gastuak.

o) Erakundearen egoitza, lokala edo bulegoa.

Zeharkako zergak, berreskuratutako edo konpentsatu ahal badira, inoiz ere ez dira izango diruz laguntzeko moduko gastuak.

5. artikulua. Eskaerak aurkeztea

1. Erakunde bakoitzak gehienez bi eskaera aurkeztu ahal izango ditu. Bi eskaera aurkezten badira, bata kirol egokituaren arloko jarduera edo programa bati buruzkoa izango da eta beste beste talde baten kiroleko edo kirolaren bidezko inklusiorako jarduera edo programa bati buruzkoa.

Jarduera bererako erakunde sustatzaile edo antolatzaileak eta erakunde parte hartzaileak, biek, eskaera aurkezten badute, erakunde antolatzaileak aurkeztutakoa baino ez da kontuan hartuko.

2. Administrazio Publikoen Administrazio Prozedura Erkidearen 39/2015 Legearen 14.2 artikulua betez, honako hauek daude behartuta aurkezpen telematikoa egitera: pertsona juridikoak; nortasun juridikorik gabeko erakundeak; diharduten jarduera profesionalean jarduteko elkargo bateko kide izan behar dutenak, jarduera hori dela-eta egin behar dituzten izapideetarako; eta Administrazioarekiko harreman elektronikoa izatera behartua dagoen interesdun baten ordezkariak. Horiek horrela, egoitza elektronikoaren bidez eskura daitekeen izapide espezifikoaren bidez soilik formalizatuko dira eskaerak: <https://egoitza.araba.eus/eu/-/convocatoria-subvenciones-para-el-desarrollo-del-deporte-adaptado>.

3. Eskaerekin batera, erantzukizunpeko adierazpen bat aurkeztu beharko da, eskaeretan jasotako informazioa eta agiriak benetakoak direla adierazteko, eta beste betebeharrak batzuk betetzen direla ere jasoko da.

4. Eskaerak, hala, ez badituzte betetzen adierazitako betekizun horiek, Kultura eta Kirol Sailak erakunde interesdunei hamar egun emango dizkie akatsak zuzendu edo behar diren agiriak aurkezteko. Hala egin ezean, eskaera artxibatu egingo da, eta interesdunak egindako eskaera bertan behera geratuko da. Nolanahi ere, Kultura eta Kirol Sailak beharrezkotzat jotzen duen informazio osagarri guztia eskatu ahal izango du aurkeztutako eskaerak behar bezala ulertu eta ebaluatzeko.

6. artikulua. Aurkeztu beharreko agiriak

1. Trebiñuko enklabearen kokatutako erakundeek kasuan kasuko autonomia erkidegoko erregistroko inskripzio ziurtagiria aurkeztu beharko dute.

2. Kultura eta Kirol Sailak egiaztatuko du erakunde eskatzaileak Ogasunarekiko eta Gizarte Segurantzarekiko betekizunak egunean izateko baldintzak betetzen dituela, salbu eta erakundeak horren aurka egiten badu. Baldin eta erakunde eskatzailea egiaztapen horren aurka badago, egitate horiek egiaztatzen dituzten agiriak aurkeztu beharko ditu, 39/2015 Legearen 28.2 artikulua arautzen duen bezala (Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoak aldatua, azken xedapenetatik hamabigarrean). Arabako Lurralde Historikotik kanpoko erakunde eskatzaileek Ogasunaren kasuan kasuko ziurtagiria aurkeztu beharko dute.

3. Deialdi honen 8.3c artikuluan jasotako irizpideren bat betetzen duten erakundeek kasuan irizpide horien bidez, faktore zuzentzaileak aplikatzen dira euskara, berdintasuna eta ekitate sustatzeko kirol erakundeak, honako hauek egiaztatzen dituzten agiriak erantsi beharko dira:

— Berdintasun, euskara eta/edo ekitate planei dagokienez, honako bi agiri hauek erantsi beharko dira:

- Hainbat urtetarako plana.

- 2023an edo 2023-2024 denboraldian egindako ekintzak eta lortutako emaitzak jasotzen dituen planaren memoria.

Euskara sustatzeko konpromisoaren kasuan, erakundeak euskararen presentzia, erabilera eta kudeaketari lotutako indarreko ziurtagiri baten bidez ere egiaztatu ahal izango da (Bikain, Harrobi, Bai Euskarari).

- Emakumeen eta gizonen berdintasunaren arloko prestakuntza espezifikoiari dagokionez:
- 2023an edo 2024an gutxienez 12 orduko prestakuntza egin eta gainditu izanaren ziurtagiria:
 - Erregistroaren ziurtagiria, pertsona erakundearen Zuzendaritza Batzordeko kidea dela egiaztatzeko, edo lan kontratua, erakundeko langileen kasuan.

Euskaliten “kudeaketa aurreratuko diploma”ren kasuan, hala badagokio, ez da beharrezkoa izango egiaztatzea, Arabako Foru Aldundiak zuzenean egiazta baitezake indarrean dagoen.

4. Kirol elkarteek erakunde nagusia jasotzen duten erakundearen estatutuak aurkeztu beharko dituzte, lehenago aurkeztu ez badituzte. Horretarako, erakundeek adierazi beharko dute noiz eta zer administrazio organotan aurkeztu zituzten agiri horiek.

7. artikulua. Aurkezteko epea

1. Eskerak aurkezteko 15 egun baliouduneko epea izango da, deialdi hau ALHAOn argitaratu eta hurrengo egunetik aurrera kontatuta.

8. artikulua. Prozeduraren instrukzioa eta balioespen irizpideak

1. Arabako Foru Aldundiko Kultura eta Kirol Saileko Kirol Zerbitzua izango da prozeduraren instrukziorako organo eskuduna.

2. Dirulaguntzak banatzeko puntuazioen sistema erabiliko da. Horretarako, eragiketa hau egingo da: 2. artikuluan zehaztutako zenbatekoa zati erakunde eskatzaileek artikuluan honen 3. apartatuan ezarritako puntuazio baremoen arabera lortutako puntu guztien batura. Zatiketa horrek deialdiaren puntuaren balioa emango du. Erakunde eskatzaile bakoitzari eman beharreko zenbatekoa honela kalkulatu da: puntuaren balioa bider erakunde bakoitzak puntuazio baremoen arabera lortutako puntu kopurua.

3. Erakunde eskatzaile bakoitzaren puntuak apartatu honetako puntuazio baremoen arabera ezarriko dira. “b”, “c” eta “d” letratan ezarritako faktore zuzentzailea aplikatuko zaio apartatu honetako “a” letran lortutako puntuazioari.

a) Diruz lagundu daitezkeen gastuen aurrekontua:

DIRUZ LAGUNDU DAITEZKEEN GASTUEN AURREKONTUA	PUNTUAK
0,01 euro eta 1.000,00 euro artean	1
1.000,01 euro eta 2.000,00 euro artean	2
2.000,01 euro eta 3.000,00 euro artean	3
3.000,01 euro eta 4.000,00 euro artean	4
4.000,01 euro eta 5.000,00 euro artean	5
5.000,01 euro eta 6.000,00 euro artean	6
6.000,01 euro eta 7.000,00 euro artean	7
7.000,01 euro eta 8.000,00 euro artean	8
8.000,01 euro eta 9.000,00 euro artean	9
9.000,01 euro eta 10.000,00 euro artean	10
10.000,01 euro eta 11.000,00 euro artean	11
11.000,01 euro eta 12.000,00 euro artean	12
12.000,01 euro eta 13.000,00 euro artean	13
13.000,01 euro eta 14.000,00 euro artean	14
14.000,01 euro eta 15.000,00 euro artean	15
15.000,01 euro eta 16.000,00 euro artean	16
16.000,01 euro eta 17.000,00 euro artean	17
17.000,01 euro eta 18.000,00 euro artean	18
18.000,01 euro eta 19.000,00 euro artean	19
19.000,01 euro eta 20.000,00 euro artean	20

DIRUZ LAGUNDU DAITEZKEEN GASTUEN AURREKONTUA	PUNTUAK
20.000,01 euro eta 21.000,00 euro artean	21
21.000,01 euro eta 22.000,00 euro artean	22
22.000,01 euro eta 23.000,00 euro artean	23
23.000,01 euro eta 24.000,00 euro artean	24
24.000,01 euro eta 25.000,00 euro artean	25
25.000,01 euro eta 26.000,00 euro artean	26
26.000,01 euro eta 27.000,00 euro artean	27
27.000,01 euro eta 28.000,00 euro artean	28
28.000,01 euro eta 29.000,00 euro artean	29
29.000,01 euro eta 30.000,00 euro artean	30
30.000,01 euro eta 31.000,00 euro artean	31
31.000,01 euro eta 32.000,00 euro artean	32
32.000,01 euro eta 33.000,00 euro artean	33
33.000,01 euro eta 34.000,00 euro artean	34
34.000,01 euro eta 35.000,00 euro artean	35
35.000,00 euro baino gehiago	40

b) Kirol erakundearen egoitza.

Arabako Lurralde Historikoaren lurralde ezaugarri bereziak kontuan hartuta, eta egin behar dituzten aparteko gastuak ordaintzeko, honako taula honetan ezarritako faktore zuzentzailea aplikatuko zaie sozietatearen egoitza Vitoria-Gasteiz ez den beste udalerrri batean duten erakunde eskatzaileei:

ERAKUNDE ESKATZAILEAREN EGOITZA	FAKTORE ZUZENTZAILEA
Sozietatearen egoitza Gasteiz ez den beste udalerrri batean izatea	1,15

c) Erakundearen kudeaketa hobetzeko eta kirolean berdintasuna, euskara eta ekitatea sustatzeko konpromisoa

Erakundeek beren egiturak hobetzeko eta berdintasunaren, euskararen eta ekitatearen aldeko politikak sustatzeko jarduketak gara ditzaten bultzatzeko premiaren ildotik, honako taula honetan ezarritako faktore zuzentzaileak aplikatuko dira, modu metagarrian:

EKINTZAK	FAKTORE ZUZENTZAILEA
1. Erakundeak Euskaliten "kudeaketa aurreratuko diploma" izatea bere egituraren funtzionamendua hobetzeko, eta diploma horren ziurtagiria indarrean izatea deialdi hau argitaratzen den egunean	1,15
2. Erakundeak berdintasun plan bat izatea eta hura inplementatzen aritzea	1,10
3. Erakundeak euskara plan bat izatea eta hura inplementatzen aritzea edo erakundearen euskararen presentzia, erabilera eta kudeaketari lotutako indarreko ziurtagiri bat izatea (Bikain, Harrobi, Bai Euskarari)	1,10
4. Erakundeak ekitate/inklusio plan bat izatea eta hura inplementatzen aritzea	1,10

2., 3. eta 4. tauletan aipatutako planen kasuan, kasuan kasuko faktore zuzentzailea aplikatu ahal izateko, honako baldintza hauek hartu behar dira kontuan:

- Planek indarrean egon behar dute deialdi hau argitaratzen den egunean.
- Planak hainbat urtetarakoak izan behar dira.
- Planak jasotzen dituzten agiriak jatorrizkoak izan behar dira eta erakundearen banakako analisien emaitza.

– 2023an edo 2023-2024 denboraldian egindako ekintzak eta lortutako emaitzak jasotzen dituen memoria bat aurkeztu beharko da planarekin batera.

– Planen eremuak (berdintasuna, euskara, ekitatea/inklusioa) plan bakar batean sartu ahal izango dira, betiere ardatz bereizia izanda. Kasu horretan, planean garatutako eremuen faktore zuzentzaileak metatuko dira.

d) Dirulaguntza jaso den azken ekitaldian diruz lagundutako jardueraren justifikazioa.

Dirulaguntza jaso den azken ekitaldian jarduera berari dagokionez aurkeztutako justifikazioa baloratuko da, eta positiboki baloratuko da hasierako eskaeran sartutako gastu konputagarriak bat etortzea azkenean justifikazioan aurkeztutakoekin.

AURREKO EKITALDIKO JUSTIFIKAZIOA	FAKTORE ZUZENTZAILEA
Justifikazioaren ondoren, emandako zenbatekoaren % 100 ordaindu bazen, edo, kausa arrazoituengatik, ezin izan bazen diruz lagundutako jarduera gauzatu eta hari idatziz uko egin bazitzaion ekainaren 30a baino lehen, edo jarduerak ez bazuen dirulaguntzarik jaso.	1,15

4. Aurreko apartatuan lortutako kopuruari honako muga hauek ezarriko zaizkio:

– Jardueraren guztizko gastuak ken jardueraren guztizko diru sarrerak eragiketarik ateratzen dena.

– Erakunde eskatzaileak adierazi eta "Eskatutako zenbatekoa" laukitxoan jarritakoa.

– Diruz lagundu daitezkeen gastuak.

– 20.000,00 euroko muga orokorra.

5. Muga horiek aplikatu ondoren, erakunde eskatzaile guztiek jaso beharreko zenbatekoaren batura deialdiaren zenbateko osoa baino txikiagoa bada, bigarren banaketa bat egingo da soberako zenbatekoarekin aurreko apartatuan ezarritako muga ekonomikoetara iritsi ez diren erakundeen artean.

Bigarren banaketa horretarako, soberako kopurua zatituko da aurreko atalean ezarritako muga batera ere iritsi ez diren erakundeen puntu kopuruarekin; horrela, puntuari dagokion bigarren balio bat lortuko da. Puntuaren bigarren balio hori biderkatu egingo da erakunde bakoitzari emandako puntu kopuruarekin. Horrela, bigarren banaketa horretan esleitu beharreko diru kopurua lortuko da, eta lehen banaketari gehituko zaio.

Soberakin ekonomikorik badago, aurreko paragrafoan deskribatutako eragiketa errepikatuko da, harik eta deialdiaren gehieneko kopurura iritsi arte, edo erakunde guztiak aurreko apartatuko mugaren batera iritsi arte.

9. artikulua. Ebazpena

1. Balioespen batzorde batek aztertuko ditu eskaerak, eta batzorde hori eratzeko, kontuan hartuko da emakumeen eta gizonen berdintasunerako eta emakumeen aurkako indarkeria matxistarik gabe bizitzeko legearen testu bategina onartzen duen martxoaren 16ko 1/2023 Legegintzako Dekretuaren 3.10. artikulua. Honako hauek osatuko dute batzordea:

– Lehendakaria: Kirol zuzendaria edo hark eskuordetutako pertsona.

– Batzordekideak: Kirol Zerbitzuaren burua, edo hark eskuordetutako pertsona, eta zerbitzu horri atxikitako bi teknikari.

– Idazkaria: Kultura eta Kirol Saileko Idazkaritza Teknikoko Zerbitzuaren burua edo hark eskuordetutako pertsona; hitza izango du, baina botorik ez.

Aurkeztutako eskaerak deialdian ezarritako irizpideen arabera aztertu ondoren, balioespen batzordeak txostena egingo du, eta ebaluazioaren emaitza zehaztuko du han.

2. Ez da egongo entzunaldiko izapiderik, ebazpena emateko ez baitira aintzat hartuko erakunde onuradunek aurkeztutako gertaerak eta agiriak baino.

3. Organo eskudunak eman beharreko ebazpena emango du, Balioespen Batzordeak proposatuta, gehienez ere sei hilabeteko epean, deialdia ALHAOn argitaratzen denetik aurrera. Gehieneko epea igaro eta berriazko ebazpenik eman ez bada, erakunde interesdunek eskaera ezetsi egin dela ulertu ahal izango dute.

4. Esleipen ebazpenean zer erakunde eskatzailerik eman zaion dirulaguntza zehaztu behar da, eta berriaz adierazi behar da gainerako eskaerak ezetsi direla. Ebazpenean adierazi behar da dirulaguntza zenbatekoa den, nola ordainduko den, zer agiri aurkeztu behar den eta zein baldintzarekin ematen den dirulaguntza.

5. 10. artikuluan ezarritako bi justifikazio aldietako lehenengoa amaitu ondoren, erakunde onuradunek bigarren aldian justifikazio osagarririk ez aurkezteko erabakia adierazten badute, soberakinak 8. artikuluan ezarritako prozeduraren arabera banatu ahal izango dira bigarren aldian justifikazioa aurkeztu behar duten erakundeen artean. Hasieran emandako dirulaguntzaren aldaketa bat ebatziko da, balioespen batzordeak aztertu eta txostena egin ondoren. Horrelakorik gertatuz gero, beste ebazpen bat egingo da erakunde bakoitzari azkenean dagozkion zenbatekoekin, eta ebazpen horrek lehenengoa indargabetuko du. Ebazpen hori emateko, artikulua honetako 1. apartatutik 4.era bitartean ezarritakoari jarraituko zaio.

6. Dirulaguntza eman edo ukatzen duen ebazpenaren berri emango zaie erakundeei, Administrazio Publikoen Administrazio Prozedura Erkidearen urriaren 1eko 39/2015 Legeak 43. artikuluan jasotzen dituen moduetan.

10. artikulua. Dirulaguntza justifikatzea eta ordaintzea

1. Dirulaguntza bi epe desberdinetan justifikatu eta, beraz, ordaindu ahal izango da. Erakundeek erabaki ahal izango dute justifikazioa lehenengo epean, bigarrenean edo bietan aurkezten duten.

2. Lehenengo justifikazioa egiteko epea 2024ko apirilaren 15ean amaituko da, eta 2023ko urriaren 1etik 2024ko martxoaren 31ra bitartean egindako gastuak justifikatu ahal izango dira. Bigarren justifikazioa 2024ko uztailaren 15era arte egin ahal izango da, eta diruz lagundu daitezkeen aldi guztian eginiko gastuak sartu ahalko dira.

3. Bi kasuetan, agiriak telematikoki aurkeztu behar dira, nahitaez; horretarako, egoitza elektronikora jo behar da, eta agiriak "Nire arlo pertsonala" atalaren bidez aurkeztu behar dira, deialdiaren espediente espezifikoan.

4. Justifikazio kontu sinplifikatu baten bidez egingo da justifikazioa, Kultura eta Kirol Sailaren dirulaguntzak emateko oinarri orokorrak onetsi zituen azaroaren 12ko 50/2019 Dekretuaren 11. oinarrian eta ondorengo aldaketetan ezarritakoaren arabera. Agiri hauek aurkeztu behar dira:

a) Deialdi honen I. eranskina. Jarduketa memoria, dirulaguntza emateko ezarritako baldintzak bete direla justifikatzen duena, egindako jarduerak eta lortutako emaitzak adierazita.

Diruz lagundutako jardueren azken onuradun edo erabiltzaileei buruzko eta sexuaren arabera banakatutako informazioa jaso behar du memoriak, emakumeen eta gizonen partaidetzan dauden aldeak ikusarazi ahal izateko, bai eta erakundearen titularrenak eta plantillarenak, eta, hala badagokio, dirulaguntzaren xede den zerbitzua emateko kontratatu den erakundearen plantillarenak ere.

b) Diruz lagundutako programaren edo jardueraren agiri grafikoak, argazkiak edo ikus-entzuzkoak (programak, iragarki kartelak, liburuxkak, argazkiak, bideoak edo antzekoak), zeinek lagunduko baitute egiaztatzen egin dela.

c) Deialdi honen II. eranskina (justifikazio kontu erraztua), deialdian ezarritako ereduaren eta artxibo motaren arabera. Bertan, erakundeak diruz lagundu daitekeen aldian izan dituen gastu, inbertsio eta diru sarrera guztiak jasoko dira.

Gastu eta inbertsioen zerrendari dagokionez, honako hauek adieraziko dira: hartzekoduna den pertsona fisikoa edo juridikoa, gastu agiriaren edo fakturaren zenbakia, zenbatekoa, jaulkipen data eta, hala badagokio, ordainketaren data. Diruz lagundutako jarduera finantzatu duten beste diru sarrera eta dirulaguntza batzuen kasuan, zenbatekoa eta jatorria adierazi beharko da.

Justifikazio kontuaren lerro bakoitzean (II. eranskina) banakako gastu edo diru sarrera bakoitza erregistratuko da.

d) Faktura edo gastu justifikazio agiriak, baldin eta, banaka edo batera, gastu kontzeptu bererako, eta hirugarren edo hornitzaile berarekin lotuta, 1.000,00 euroko kopurua (BEZa aparte) gainditzen badute. Aurkeztu beharreko fakturek edo egiaztagiriek artikuluko 5. eta 6. apartatuetan ezarritako baldintzak bete beharko dituzte, hurrenez hurren.

e) Diruz lagundu daitezkeen 1.000,00 eurotik gorako gastuen ordainagiriak. Ordainagiri horiek artikuluko 7. apartatuan ezarritako baldintzak bete beharko dituzte, eta, hala badagokio, bertan adierazitako agiri gehigarriak erantsiko zaizkie.

f) Deialdi honen III. eranskina. Erantzukizunpeko adierazpena.

5. Gastuen fakturak edo frogagiriak onartuak izateko, jarraian adierazten diren baldintzak bete beharko dituzte. Nolanahi ere, laguntza jasoko duen erakundea laguntza eskatu duena izango da:

- Jaulkitzailea, haren izena edo sozietatearen izena eta NANA edo IFZ.
- Hartzailea, haren izena edo sozietatearen izena eta NANA edo IFZ.
- Gastuaren xedea.
- Data.
- Fakturaren zenbakia.

Orobat, ez dira onartuko justifikazio gastu gisa zerga araudia betetzen ez duten faktura edo ordainagiriak, PFEZaren (pertsona fisikoen errentaren gaineko zerga) konturako atxikipenei dagokienez.

Erakundea balio erantsiaren gaineko zergatik (BEZ) salbuetsita badago eta eskaeran ofiziozko egiaztapenaren aurka agertu bada, kasuan kasuko salbuespen egiaztapena aurkeztu beharko da.

6. Langile gastuak justifikatzeko, erakunde kontratatzailea izango da laguntzaren onuraduna, eta honako dokumentu hauek aurkeztu beharko dira:

- Langilearen lan kontratua, egin diren aldaketekin batera.
- Nominak. Haiek ESS/2098/2014 Aginduan ezarritako kontzeptuak islatu beharko dituzte, hau da, kotizazio oinarria eta langileak egindako atxikipen tasa islatu beharko dituzte, baita erakunde kontratatzaileak egindakoa ere. Nominan agertzen ez diren kontzeptuak ezin izango dira diruz laguntzeko moduko gastutzat jo.

– Aurkeztutako 110 hiruileko ereduak edo 190 ereduak, ordaindu izanaren egiaztagiriarekin batera, baldin eta eskaeran ofiziozko egiaztapenaren aurka egin badu.

7. Diruz lagundu daitezkeen gastuen ordainagiriak, onartuak izateko, honako baldintza hauek bete beharko dituzte:

- Bankuko ziurtagiria; bertan agertuko dira, gutxienez, zenbatekoa, data eta ordainketaren edo transferentziaren onuraduna.

– Fakturaren jaulkitzaileak sinatutako eta/edo zigilatutako ziurtagiria; bertan agertuko dira faktura zenbakia, zenbatekoa eta ordainketa data.

– Posta arruntez jasotako banku laburpenak.

– Kontu korronteen libreten kopia, mugimenduak ageri dituena.

– Posta elektronikoz jasotako banku laburpen elektronikoak edo transferentzia agindu telematikoak.

– Erosketa tiketak, zenbatekoa ordainduta dagoela adierazten dutenak (merkataritza zentro mota, autobidea, bidai txartelak, etab.), edo faktura jaulkitzen duen enpresaren zigilua duten fakturak, hura ordainduta dagoela adieraziz.

– Langileen ordainagiritarako, nominen ordainketa pilatua ere onartu ahalko da, eta hari erakunde onuradunaren ziurtagiri bat erantsi beharko zaio, azalduz ezen dagokion langileen nomina transferentzia horren kontura dagoela ordainduta eta adieraziz zein zenbateko dagokion langile bakoitzari aurkeztutako hileko bakoitzeko.

Ez da beharrezkoa izango banku erakundearen edo enpresa hornitzailearen zigilua, berariaz aipatzen direnetan izan ezik.

Ez da onartuko banku ordainagiririk, baldin eta ordainagiri horrek ez baditu argi eta garbi jasotzen enpresa eskatzaileak hornitzaileari faktura ordaindu diola.

Ez da onartuko eskudirutan ordaintzea 2023rako edo 2024rako (zein den faktura bakoitzaren data) indarreko araudian ezartzen den zenbatekoa edo hortik gorakoa, edo haren kontrabalia atzerriko dirutan.

Aurreko paragrafoan adierazitako zenbatekoa kalkulatzeko, baldin eta ondasun ematea edo zerbitzua zatikatu bada, eragiketa edo ordainketa guztien zenbatekoak batuko dira.

Jarduera egin ondoren, edozein aldaketa gertatzen bada gastu eta inbertsioen zerrenda sailkatuan aurkeztu eta jasotako datuetan, eta aldaketa horrek eskaeran aurkeztutakoekiko aldaketa badakar, eta datu horiek dirulaguntza kalkulatzeko oinarritzat hartu baziren, berriz kalkulatu da dirulaguntza, deialdiaren 8. artikuluan jasotako irizpideekin bat etorritzat, eta ezin izango da inolaz ere hasieran emandakoa baino handiagoa izan.

Halaber, ez dira onartuko justifikazio gastu gisa pertsona fisikoen errentaren gaineko zergaren konturako atxikipenen gaineko zerga araudia betetzen ez duten fakturak edo ordainagiriak.

8. Instrukzio organoak, deialdietan erabakitako laginketa tekniken bidez, egokitzen jotzen dituen justifikazio agiriak egiaztatuko ditu, eta, horretarako, hautatutako jatorrizko gastuen eta ordainketen egiaztapenak bidaltzeko eskatu ahal izango die onuradunei.

9. Justifikazio agirien artean deialdi honetan eskatutako agiriren bat falta izanez gero, interesdunari eskatuko zaio falta diren datuak eta agiriak aurkezteko hamar egun balioduneko epean. Era berean, jakinaraziko zaio, horrela egin ezean, eskaerari uko egin diola ulertuko dela, eta, beraz, eskaera artxibatu egingo dela, kasuan kasuko ebazpena eman ondoren. Nolanahi ere, Kultura eta Kirol Sailak beharrezkotzat jotzen duen informazio osagarri guztia eskatu ahal izango du aurkeztutako eskaerak behar bezala ulertu eta ebaluatzeko.

11. artikulua. Dirulaguntzen bateragarritasuna

Deialdi honetan emandako dirulaguntzak bateragarriak dira estatuko edo nazioarteko beste erakunde publiko edo pribatu batzuek jarduera edo programa berarentzat emandako beste dirulaguntza batzuekin, baldin eta dirulaguntzaren zenbatekoak, berak bakarrik edo beste dirulaguntza batzuekin batera, diruz lagundutako programaren edo programen kostua gainditzen ez badu.

12. artikulua. Erakunde onuradunen betebeharrak

1. Dirulaguntzen onuradun diren erakundeek betebeharrak hauek dituzte, deialdi honetan, eta Arabako Foru Aldundiko Kultura eta Kirol Sailak norgehiagoka bidez emango dituzten dirulaguntzak arautzen dituzten oinarri orokorretan, eta Arabako Lurralde Historikoko dirulaguntzei eta transferentziei aplikagarri zaien araudian jasotakoez gainera:

- Dirulaguntza jasotzeko oinarritzat hartu zen jarduera egitea.
- Dirulaguntza eman duen erakundeari jarduera horiek egin direla egiaztatzea, bai eta dirulaguntza emateko edo dirulaguntza jasotzeko betekizun edo baldintzak betetzen direla ere.
- Dirulaguntza emateko kontuan hartutako inguruabarren bat, subjektiboa zein objektiboa, aldatu bada, aldaketaren berri eman behar diote dirulaguntza emanda duen erakundeari.
- Dirulaguntza eman duen erakundearen egiaztapen jarduerak onartzea, bai eta Arabako Foru Aldundiaren Ogasun, Finantza eta Aurrekontu Sailak kontrol ekonomiko eta finantzariako eta kudeaketarako egiten dituenak eta Herri Kontuen Euskal Epaitegiaren legerian eta beste erakunde eskudunen legerian xedatutako bestelako jarduerak ere.
- Dirulaguntza ematen duen organoari jakinaraztea nazioko edo nazioarteko beste edozein administrazio edo erakunde publiko edo pribatuk helburu bererako dirulaguntzak edo laguntzak eman dizkiola, bai eta dirulaguntza emateko kontuan hartutako baldintzetan izandako aldaketak ere. Horien guztien berri izan eta berehala egin beharko da jakinarazpena, eta, nolahi ere, jasotako funtsen erabilera justifikatu baino lehen.
- Arabako Foru Aldundiaren finantzaketa berariaz adieraztea diruz lagundutako jarduera guztietan, baldin eta zabaldu, hedatu edo argitaratu behar badira. Horretarako, <https://web.araba.eus/eu/foru-aldundia/erakunde/marka> helbidean ezarritako Arabako Foru Aldundiaren komunikazio marka erabiliko da.
- Hizkuntza ofizialen erabilerari dagokionez, honako ohar hauek betetzea:
 - Jarduerari zabalkundea emateko herritar guztiei zuzendutako liburuxkak, kartelak nahiz beste edozein euskarri baliatzen dutenek bi hizkuntza ofizialetan egin beharko dute hori.
 - Dirulaguntzaren xedea jarduera ireki bat delarik, edo ekitaldi publiko baten antolakuntza, bi hizkuntza ofizialetan egin beharko dute haren zabalkundea.
 - Aldundiak diruz lagundutako jarduera edo ekitaldietan euskararen erabilera bermatu beharko da jardueran edota ekitaldian bertan, gutxienez, aurkezpenetan eta agurretan; lehenengo euskaraz egingo da, eta gero gaztelaniaz.
 - Diruz lagundutako jarduera edo ekitaldiaren hartzaileak haurrak edo gazteak badira, dirulaguntzaren onuradunek euskaraz zein gaztelaniaz egiteko aukera bermatu behar diete parte hartzaile horiei.
- Hizkera ez-sexista erabiliko da egiten diren agiri guztietan, bai eta aurkezpenetan, ahozko komunikazioan eta komunikazio sinbolikoan ere, Emakumeen eta gizonen berdintasunerako eta emakumeen aurkako indarkeria matxistarik gabe bizitzeko legearen testu bategina onartzen duena martxoaren 16ko 1/2023 Legegintzako Dekretua betez. Aipatutako legeei jarraituz, argitaratzen diren irudietan ezingo dira pertsonak erakutsi, sexu batekoak edo besteak izateagatik, giza duintasun gutxiago edo gehiago dutela edo sexu objektu soil gisa, estereotipo sexistak saihestuko dira eta bultzatuko da aniztasuna sexuetan, roletan eta genero identitateetan.
- Diruz lagundutako jarduerak egiten dituzten eta adingabeekin ohiko harremanak edukitzea eskatzen duten langile kontratatuek eta/edo boluntarioek Sexu Delitugileen eta Gizakien Salerosketaren Erregistro Zentralaren ziurtagiri negatiboa dutela egiaztatzea. Era berean, berehala aplikatzea Haurrak eta Nerabeak Indarkeriatik Era Integralean Babesteko ekainaren 4ko 8/2021 Lege Organikoaren V. tituluko II. kapituluaren xedatutakoa, sortutako aurrekariak baldin badaude Sexu Delitugileen eta Gizakien Salerosketaren Erregistro Zentralean.

2. Ezarritako betebeharrak horiek nahiz indarrean dagoen legerian ezarritako edozein betebeharrak ez betetzeak dirulaguntza azkentzea ekarriko du, eta ordura arte jasotako zenbatekoak itzuli beharra.

3. Datu faltsuak eman edo datuak ezkutatu gero, eta dirua dirulaguntzen esleipen erabakian jasotako helburuetarako ez diren beste helburu batzuetarako erabiliz gero, bai eta Arabako Lurralde Historikoko Dirulaguntzen urriaren 19ko 11/2016 Foru Arauak 13. artikuluan adierazitako kasuekin aldibereotasuna gertatu gero ere, emandako dirulaguntzen ordainketa agindua eten egingo da, eta hala badagokio, ordaindutako dirulaguntzak itzuli beharko dira. Gainera, arrazoi horienatik eska daitezkeen erantzukizunak ere bete beharko dira.

13. artikulua. Publizitatea

1. Deialdi hau ALHAOn argitaratuko da.
2. Era berean, Arabako Foru Aldundiaren web orrian ere jarriko da ikusgai: www.araba.eus.

14. artikulua. Erantzukizunak

Erakunde onuradunek beren gain hartzen dute deialdi honen xede diren jarduerak egitearen ondoriozko erantzukizunak, eta haiek egin ahal izateko indarrean dagoen legediak eskatzen dituen baimenak eskatuko dituzte.

15. artikulua. Interpretazioa

Arabako Foru Aldundiaren Kultura eta Kirol Sailak ebatziko du deialdi honen interpretazioaren inguruan sortzen den edozein zalantza.

Honako hauek arautuko dute deialdi hau:

- 38/2003 Lege Orokorra, azaroaren 17koa, Dirulaguntzena.
- 11/2016 Foru Araua, urriaren 19koa, Arabako Lurralde Historikoen dirulaguntzena.
- 3/2023 Foru Araua, urtarrilaren 25ekoa, Aurrekontuei buruzko Arau Orokorra.
- Aurrekontua Gauzatzeko Foru Araua, indarrean dagoena ekitaldi honetarako.
- 39/2015 Legea, urriaren 1ekoa, Administrazio Publikoen Administrazio Prozedura Erkidearena, eta aplikatzekoa zaion gainerako araudia.
- 3/2007 Lege Organikoa, Emakumeen eta Gizonen Berdintasun Eragingarriakoa
- 1/2023 Legegintzako Dekretua, martxoaren 16koa, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina onartzen duena.
- Arabako Emakumeen eta Gizonen Berdintasunerako V. Foru Plana (2022-2026).

Arabako Foru Aldundia
Diputación Foral de Álava

www.araba.eus

Memoria. I. Eranskina

Memoria. Anexo I

KIROL EGOKITUA ETA INKLUSIBOA SUSTATZEKO LAGUNTZAK - 2024
AYUDAS AL DEPORTE ADAPTADO E INCLUSIVO - 2024

Eskatzailea / Solicitante

JARDUERARI-PROGRAMARI BURUZKO DATUAK / DATOS DE LA ACTIVIDAD-PROGRAMA

Jardueraren/programaren izena Nombre de la actividad/programa	
Instalazioa eta toki Instalación y lugar	
Datak Fechas	
Kirol egokitutako edo inklusiboko kolektibo hartzailea (populazio-mota eta adinak) Colectivo destinatario del programa adaptado o inclusivo (tipo de población y edades)	
Beste erakunde laguntzaile batzuk Otras entidades colaboradoras	

PARTEHARTZE DATUAK / DATOS DE PARTICIPACIÓN

	Emakumeak Mujeres	Gizonezkoak Hombres	Totala Total
Partehartzaile edo onuradun kopuru totala Nº participantes o personas beneficiarias total			
Kolektibo hartzailearen partehartzaile edo onuradun kopuru Nº participantes o personas del colectivo destinatario			

BESTE DATU BATZUK / OTROS DATOS

	Emakumeak Mujeres	Gizonezkoak Hombres	Totala Total
Erakundearen Zuzendaritza Batzordeko/Gobernu Organoko pertsona kopurua Nº Personas de la Junta Directiva/Órgano de Gobierno de la entidad			
Programaren/jardueraren langile kopurua Nº personas trabajadoras en el programa/actividad			
Programaren/jardueraren boluntario kopurua Nº personas voluntarias en el programa/actividad			

JARDUERAREN-PROGRAMAREN DESKRIBAPENA / DESCRIPCIÓN DE LA ACTIVIDAD-PROGRAMA

--

HIZKUNTZEN ERABILERA JARDUERAN / USO DE LOS IDIOMAS EN LA ACTIVIDAD

--


HELBURU OROKORRAK ETA ESPEZIFIKOAK BETETZEA / CUMPLIMIENTO DE OBJETIVOS GENERALES Y ESPECÍFICOS

--

* Memoria honetan batera, diruz lagundutako programa edo jardueraren dokumentazio grafikoa, fotografikoa edo ikus-entzunezkoa erantsi behar da (programak, iragarpen-kartelak, liburuxkak, argazkiak, bideoak edo antzekoak).

* Junto con esta memoria, se ha de adjuntar documentación gráfica, fotográfica o audiovisual del programa o actividad subvencionada (programas, carteles anunciadores, folletos, fotografías, videos o similares).

Kultura eta Kirol Saila
Departamento de Cultura y Deporte

	Kirol Egokitua eta inklusioa sustatzeko dirulaguntzak III Eranskina. 2024 Ayudas al Deporte Adaptado e Inklusivo Anexo III
Arabako Foru Aldundia Diputación Foral de Álava www.araba.eus	

Kultura eta Kirol Saila

Departamento de Cultura y Deporte

ERANTZUKIZUNPEKO ADIERAZPENA

DECLARACIÓN RESPONSABLE

Entitatearen izena:	Nombre de la entidad:
---------------------	-----------------------

ADIERAZTEN DU

Aurkeztutako datuak egiazkoak dira eta horiek baieztatzeko behar diren egiaztagiri guztiak erraztuko ditu; gainera, eskabidea aztertzeko eskatzen zaion informazio osagarri guztia aurkezteko konpromisoa hartzen du.

Espedienteari erantsitako fitxategiak jatorrizkoen irudi fidela dira, jatorrizkoak elkarrearen esku daude eta Arabako Foru Aldundiaren esku jarriko ditu, hala eskatzen zaionean Entitateak EZ du soldatapeko langilerik.

DECLARA QUE

Los datos presentados son ciertos y se compromete a facilitar las comprobaciones necesarias para verificar los mismos y a aportar toda la información complementaria que se le solicite con el fin de analizar su solicitud.

Los ficheros que se incorporan al expediente son imagen fiel de los originales, que éstos obran en su poder y que los pondrá a disposición de la Diputación Foral de Álava cuando así sea requerida

.....
(Lekua eta data ■ Lugar y fecha)

Sinadura ■ Firma

Entitatearen zigilua ■ Sello de la entidad

Erantzukizunpeko adierazpen edo komunikazio bati gehitzen zaion edozein datu edo informazio funtsean zehatza ez bada, faltsua bada edo falta bada, edo administrazio eskudunaren aurrean erantzukizunpeko adierazpena aurkezten ez bada, adierazitakoa betetzen dela egiaztatzeko eskatzen den dokumentazioa aurkezten ez bada, edo jakinarazpena egiten bada, ukitutako eskubidea edo jarduera gauzatzen jarraitu ezin izango da gertaera horien berri jakiten den unetik. Sor litezkeen erantzukizun penal, zibil edo administratiboak (Administrazio Publikoen Administrazio Prozedura Erkidearen urriaren 1eko 39/2015 Legearen 69.4 artikulua).

La inexactitud, falsedad u omisión, de carácter esencial, de cualquier dato o información que se incorpore a una declaración responsable o a una comunicación, o la no presentación ante la Administración competente de la declaración responsable, la documentación que sea en su caso requerida para acreditar el cumplimiento de lo declarado, o la comunicación, determinará la imposibilidad de continuar con el ejercicio del derecho o actividad afectada desde el momento en que se tenga constancia de tales hechos, sin perjuicio de las responsabilidades penales, civiles o administrativas a que hubiera lugar (Artículo 69.4 de la Ley 39/2015, de 1 de octubre, del Procedimiento Administrativo Común de las Administraciones Públicas)

Orria ■ Hoja 1/1